



Համարը N 146-Ն
Տիպը Որոշում
Սկզբնաղբյուրը ՀՀՊՏ 2010.03.03/9(743) Հոդ.159
Ընդունող մարմինը ՀՀ կառավարություն
Ստորագրող մարմինը ՀՀ վարչապետ
Վավերացնող մարմինը
Ուժի մեջ մտնելու ամսաթիվը 13.03.2010

Տեսակը Ինկորպորացիա
Կարգավիճակը Գործում է
Ընդունման վայրը Երևան
Ընդունման ամսաթիվը 18.02.2010
Ստորագրման ամսաթիվը 23.02.2010
Վավերացման ամսաթիվը
Ուժը կորցնելու ամսաթիվը

- Կապեր այլ փաստաթղթերի հետ**
- Փոփոխողներ և ինկորպորացիաներ**

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ԲՈՒՆԱԳՐԱՎՎԱԾ, ՀՕԳՈՒՏ ՊԵՏՈՒԹՅԱՆ ՏԻՐԱԶՈՒՐԿ ՃԱՆԱՉՎԱԾ, ԴԱՏԱՎՈՐԻ ԿՈՂՄԻՑ ՊԵՏՈՒԹՅԱՆԸ ՀԱՆՁՆՎԱԾ՝ ԹՈՒՅԼԱՏՐԵԼԻ ՉՀԱՄԱՐՎՈՂ ՆՎԵՐԸ ԵՎ ԺԱՌԱՆԳՈՒԹՅԱՆ ԻՐԱՎՈՒՆՔՈՎ ՊԵՏՈՒԹՅԱՆՆ ԱՆՑԱԾ ՆՅՈՒԹԱԿԱՆ ՈՒ ԴՐԱՄԱԿԱՆ ԱՐԺԵՔՆԵՐՆ ՕԳՏԱԳՈՐԾԵԼՈՒ ԵՎ ԴՐԱՆՔ ՀԱՆՁՆԵԼՈՒ, ՀԱՇՎԱՌԵԼՈՒ ԵՎ ՈՉՆՉԱՑՆԵԼՈՒ ԿԱՐԳԸ ՀԱՍՏԱՏԵԼՈՒ ԵՎ ՀՀ ԿԱՌԱՎԱՐՈՒԹՅԱՆ 1999 ԹՎԱԿԱՆԻ ՕԳՈՍՏՈՍԻ 4-Ի N 494 ՈՐՈՇՈՒՄՆ ՈՒԺԸ ԿՈՐՅՐԱԾ ՃԱՆԱՉԵԼՈՒ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

18 փետրվարի 2010 թվականի N 146-Ն

ԲՈՒՆԱԳՐԱՎՎԱԾ, ՀՕԳՈՒՏ ՊԵՏՈՒԹՅԱՆ ՏԻՐԱԶՈՒՐԿ ՃԱՆԱՉՎԱԾ, ԴԱՏԱՎՈՐԻ ԿՈՂՄԻՑ ՊԵՏՈՒԹՅԱՆԸ ՀԱՆՁՆՎԱԾ՝ ԹՈՒՅԼԱՏՐԵԼԻ ՉՀԱՄԱՐՎՈՂ ՆՎԵՐԸ ԵՎ ԺԱՌԱՆԳՈՒԹՅԱՆ ԻՐԱՎՈՒՆՔՈՎ ՊԵՏՈՒԹՅԱՆՆ ԱՆՑԱԾ ՆՅՈՒԹԱԿԱՆ ՈՒ ԴՐԱՄԱԿԱՆ ԱՐԺԵՔՆԵՐՆ ՕԳՏԱԳՈՐԾԵԼՈՒ ԵՎ ԴՐԱՆՔ ՀԱՆՁՆԵԼՈՒ, ՀԱՇՎԱՌԵԼՈՒ ԵՎ ՈՉՆՉԱՑՆԵԼՈՒ ԿԱՐԳԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 1999 ԹՎԱԿԱՆԻ ՕԳՈՍՏՈՍԻ 4-Ի N 494 ՈՐՈՇՈՒՄՆ ՈՒԺԸ ԿՈՐՅՐԱԾ ՃԱՆԱՉԵԼՈՒ ՄԱՍԻՆ
(վերնագիրը լրաց. 02.08.18 N 847-Ն)

Հայաստանի Հանրապետության կառավարությունը *որոշում է*.

1. Հաստատել բռնագրավված, հոգուտ պետության տիրագուրկ ճանաչված, դատավորի կողմից պետությանը հանձնված՝ թույլատրելի չհամարվող նվերը և ժառանգության իրավունքով պետությանն անցած նյութական ու դրամական արժեքներն օգտագործելու և դրանք հանձնելու, հաշվառելու և ոչնչացնելու կարգը՝ համաձայն հավելվածի:
(1-ին կետը լրաց. 02.08.18 N 847-Ն)

2. Սահմանել, որ քրեական գործերով կայացված և օրինական ուժի մեջ մտած դատավճիռներով գույքի բռնագրավման վերաբերյալ կատարողական թերթով հարուցված կատարողական վարույթի ընթացքում որպես պահանջատեր պետության անունից հանդես է գալիս Հայաստանի Հանրապետության դատախազությունը, իսկ քաղաքացիական և վարչական գործերով պետական տուրքի բռնագանձման վերաբերյալ կատարողական թերթով հարուցված կատարողական վարույթի ընթացքում Հայաստանի Հանրապետության պետական եկամուտների կոմիտեն:
(2-րդ կետը փոփ. 02.08.18 N 847-Ն)

3. Ուժը կորցրած ճանաչել Հայաստանի Հանրապետության կառավարության 1999 թվականի օգոստոսի 4-ի «Բռնագրավված, հոգուտ պետության տիրագուրկ ճանաչված և ժառանգության իրավունքով պետությանն անցած, ինչպես նաև «Սեփականության իրավունքից հրաժարում՝ հոգուտ պետության» մաքսային ռեժիմով բաց թողնված նյութական ու դրամական արժեքներն օգտագործելու մասին» N 494 որոշումը:

4. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Հայաստանի Հանրապետության
վարչապետ**

S. Սարգսյան

2010 թ. փետրվարի 23
Երևան

Հավելված
ՀՀ կառավարության 2010 թվականի
փետրվարի 18-ի N 146-Ն որոշման

Կ Ա Ր Գ

**ԲՈՒՆԱԳՐԱՎՎԱԾ, ՀՕԳՈՒՏ ՊԵՏՈՒԹՅԱՆ ՏԻՐԱԶՈՒՐԿ ՃԱՆԱԶՎԱԾ, ԴՍԱՎՈՐԻ ԿՈՂՄԻՑ
ՊԵՏՈՒԹՅԱՆԸ ՀԱՆՁՆՎԱԾ՝ ԹՈՒՅԼԱՏՐԵԼԻ ԶՀԱՄԱՐՎՈՂ ՆՎԵՐԸ ԵՎ ԺԱՌԱՆԳՈՒԹՅԱՆ
ԻՐԱՎՈՒՆՔՈՎ ՊԵՏՈՒԹՅԱՆՆ ԱՆՑԱԾ ՆՅՈՒԹԱԿԱՆ ԵՎ ԴՐԱՄԱԿԱՆ ԱՐԺԵՔՆԵՐՆ
ՕԳՏԱԳՈՐԾԵԼՈՒ ԵՎ ԴՐԱՆՔ ՀԱՆՁՆԵԼՈՒ, ՀԱՇՎԱՌԵԼՈՒ ԵՎ ՈՉՆՉԱՑՆԵԼՈՒ
(վերնագիրը լրաց. 02.08.18 N 847-Ն)**

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են բռնագրավված, դատարանի վճռով հոգուտ պետության տիրագուրկ ճանաչված, դատավորի կողմից պետությանը հանձնված՝ թույլատրելի չհամարվող նվերը և ժառանգության իրավունքով պետությանն անցած նյութական և դրամական արժեքներ (այսուհետ՝ գույք) օգտագործելու և դրանք հանձնելու, հաշվառելու և ոչնչացնելու, ինչպես նաև գույքի հանձնման և ծանուցման հետ կապված հարաբերությունները:
(1-ին կետը լրաց. 02.08.18 N 847-Ն)

**II. ԲՈՒՆԱԳՐԱՎՎԱԾ, ՀՕԳՈՒՏ ՊԵՏՈՒԹՅԱՆ ՏԻՐԱԶՈՒՐԿ ՃԱՆԱԶՎԱԾ ԵՎ ԺԱՌԱՆԳՈՒԹՅԱՆ
ԻՐԱՎՈՒՆՔՈՎ ՊԵՏՈՒԹՅԱՆՆ ԱՆՑԱԾ ԳՈՒՅՔԻ ՄԱՍԻՆ ԾԱՆՈՒՑՈՒՄԸ, ԴՐԱ ՀԱՆՁՆՈՒՄԸ ԵՎ
ՀԱՇՎԱՌՈՒՄԸ**

2. Օրենքով նախատեսված կարգով բռնագրավված, հոգուտ պետության տիրագուրկ ճանաչված, դատավորի կողմից պետությանը հանձնված՝ թույլատրելի չհամարվող նվերը և ժառանգության իրավունքով պետությանն անցած նյութական և դրամական արժեքները, բացառությամբ օրենքով նախատեսված դեպքերի, իրավասու պետական մարմինների (քրեական գործերով՝ Հայաստանի Հանրապետության դատախազությունը, դատարանի վճռով տիրագուրկ ճանաչվելու հետ կապված գործերով՝ գույքը տիրագուրկ ճանաչվելու դիմումով դատարան դիմած պետական մարմինը, դատավորի կողմից պետությանը հանձնված՝ թույլատրելի չհամարվող նվերի հետ կապված գործերով՝ Հայաստանի Հանրապետության պետական գույքի կառավարման կոմիտեն, ժառանգության իրավունքով պետությանն անցած գույքի հետ կապված գործերով՝ ժառանգության իրավունքով պետությանն անցած գույքի համար նուտարին դիմած պետական մարմինը, այսուհետ՝ իրավասու մարմիններ) կողմից հանձնվում են՝

- 1) դրամը և արտարժույթը, դրանցով արտահայտված վճարման փաստաթղթերը (ակրեդիտիվներ, վճարման քարտեր և այլն) Հայաստանի Հանրապետության արդարադատության նախարարության դատական ակտերի հարկադիր կատարումն ապահովող ծառայությանը՝ Հայաստանի Հանրապետության բանկային համակարգի միջոցով՝ Հայաստանի Հանրապետության պետական բյուջեի համապատասխան հաշվին փոխանցելու համար.
- 2) Հայաստանի Հանրապետության տնտեսական զարգացման և ներդրումների նախարարության եզրակացության հիման վրա՝ արժեթղթերը Հայաստանի Հանրապետության ֆինանսների նախարարության տնօրինությանը, իրացնելու և իրացումից ստացված գումարները Հայաստանի Հանրապետության պետական բյուջե հաշվեգրելու (պետական արժեթղթերի դեպքում՝ դրանց մարման կամ իրացման նպատակով) կամ Հայաստանի Հանրապետության պետական գույքի կառավարման կոմիտեի տնօրինությանը, իսկ դատավորի կողմից պետությանը հանձնված՝ թույլատրելի չհամարվող նվերի դեպքում՝ թողնվում են Հայաստանի Հանրապետության պետական գույքի կառավարման կոմիտեի տնօրինությանը՝ դրանց կառավարման նպատակով.
- 3) թանկարժեք մետաղները, թանկարժեք քարերը, դրանցից պատրաստված առարկաները՝ Հայաստանի Հանրապետության ֆինանսների նախարարությանը՝ պետական գանձարան հանձնելու համար.
- 4) մշակութային արժեքները՝ Հայաստանի Հանրապետության մշակութային նախարարության մշակութային արժեքների պահպանության գործակալությանը՝ փորձաքննության կամ մշակութային արժեքների պահպանական ցուցակի չափորոշիչների հետ համապատասխանության հարցը որոշելու համար.
- 5) անշարժ և շարժական այլ գույք՝ Հայաստանի Հանրապետության արդարադատության նախարարության

դատական ակտերի հարկադիր կատարումն ապահովող ծառայությանը, իսկ մաքսային մարմնի հայցի հիմքով կայացված՝ գույքը տիրագուրկ ճանաչելու կամ առգրավված ապրանքները պետությանը հանձնելու մասին դատական ակտի առկայության դեպքում՝ Հայաստանի Հանրապետության պետական եկամուտների կոմիտեին՝ «Հրապարակային սակարկությունների մասին» Հայաստանի Հանրապետության օրենքով սահմանված կարգով (այսուհետ՝ սահմանված կարգ) իրացնելու համար:

(2-րդ կետը լրաց. 02.08.18 N 852-Ն, լրաց., փոփ. 02.08.18 N 847-Ն)

3. Բռնագրավված, դատարանի վճռով հոգուտ պետության տիրագուրկ ճանաչված, դատավորի կողմից պետությանը հանձնված՝ թույլատրելի չհամարվող նվերը և ժառանգության իրավունքով պետությանն անցած գույքի հաշվառումն իրականացնում է Հայաստանի Հանրապետության ֆինանսների նախարարությունը:

(3-րդ կետը լրաց. 02.08.18 N 847-Ն)

4. Բռնագրավված, դատարանի վճռով հոգուտ պետության տիրագուրկ ճանաչված և ժառանգության իրավունքով պետությանն անցած գույքի մասին իրավասու մարմինները գույքը բռնագրավելու, դատարանի վճռով հոգուտ պետության տիրագուրկ ճանաչելու և ժառանգության իրավունքով պետությանն անցնելու համապատասխան ակտը (դատավճիռ, վճիռ, ժառանգության իրավունքի վկայագիր, սեփականության վկայական և այլն) ուժի մեջ մտնելուց (հաստատվելուց) հետո դրա պատճենը 15-օրյա ժամկետում հաշվառման նպատակով ներկայացնում են Հայաստանի Հանրապետության ֆինանսների նախարարություն՝ նշելով սույն կարգի 2-րդ կետի 1-5-րդ ենթակետերի հիման վրա, դրանցում նշված մարմիններին փոխանցելու մասին, և կցելով փոխանցման փաստը հավաստող փաստաթղթերը:

5. Բռնագրավված, դատարանի վճռով հոգուտ պետության տիրագուրկ ճանաչված և ժառանգության իրավունքով պետությանն անցած՝ Հայաստանի Հանրապետության մշակույթի նախարարության մշակութային արժեքների պահպանության գործակալությանը փոխանցված մշակութային արժեքները համապատասխան փորձաքննությունից կամ մշակութային արժեքների պահպանական ցուցակի չափորոշիչների հետ համապատասխանության եզրակացությունից հետո հանձնվում են՝

1) թանգարանին, արխիվին, գրադարանին, այլ պետական պահոցներին կամ մարմնին: Մշակութային արժեքները թանգարանին, արխիվին, գրադարանին, այլ պետական պահոցներին կամ մարմնին հանձնելու և վերջիններին հաշվեկշռում արտացոլելու վերաբերյալ Հայաստանի Հանրապետության մշակույթի նախարարության մշակութային արժեքների պահպանության գործակալությունը յուրաքանչյուր եռամսյակ տեղեկատվություն է ներկայացնում Հայաստանի Հանրապետության ֆինանսների նախարարություն, կամ՝

2) իրացման նպատակով Հայաստանի Հանրապետության հարկադիր կատարումն ապահովող ծառայությանը՝ դրա մասին 5-օրյա ժամկետում գրավոր տեղեկատվություն ներկայացնելով Հայաստանի Հանրապետության ֆինանսների նախարարություն: Հայաստանի Հանրապետության հարկադիր կատարումն ապահովող ծառայությունը դրա մասին տալիս է հաշվետվություն՝ Հայաստանի Հանրապետության ֆինանսների նախարարի հրամանով հաստատված կարգով:

(5-րդ կետը փոփ. 02.08.18 N 847-Ն)

6. Բռնագրավված, դատարանի վճռով հոգուտ պետության տիրագուրկ ճանաչված, դատավորի կողմից պետությանը հանձնված՝ թույլատրելի չհամարվող նվերը և ժառանգության իրավունքով պետությանն անցած անշարժ և այլ շարժական գույք իրավասու պետական մարմինների կողմից փոխանցվում է Հայաստանի Հանրապետության հարկադիր կատարումն ապահովող ծառայությանը՝ այն սահմանված կարգով իրացնելու նպատակով:

(6-րդ կետը լրաց., փոփ. 02.08.18 N 847-Ն)

7. Բռնագրավված, հոգուտ պետության տիրագուրկ ճանաչված, դատավորի կողմից պետությանը հանձնված՝ թույլատրելի չհամարվող նվերը և ժառանգության իրավունքով պետությանն անցած շենքերի ու շինությունների մասին Հայաստանի Հանրապետության արդարադատության նախարարության դատական ակտերի հարկադիր կատարումն ապահովող ծառայությունը դրանք ընդունելու օրվանից 10-օրյա ժամկետում գրավոր հայտնում է Հայաստանի Հանրապետության պետական գույքի կառավարման կոմիտեին, իսկ բռնագրավված, հոգուտ պետության տիրագուրկ ճանաչված, դատավորի կողմից պետությանը հանձնված՝ թույլատրելի չհամարվող նվերը և ժառանգության իրավունքով պետությանն անցած ավտոմեքենաների և օպերատիվ-հետախուզական նպատակների համար օգտագործման համար ենթակա այլ գույքի մասին՝ Հայաստանի Հանրապետության ոստիկանությանը, իսկ համակարգչային տեխնիկայի մասին՝ Հայաստանի Հանրապետության վարչապետի աշխատակազմին: Նշված մարմինները 15-օրյա ժամկետում ներկայացնում են առաջարկություն նշված գույքը պետական մարմիններին հանձնելու վերաբերյալ: Նշված ժամկետում այդ մարմինների կողմից գույքը պետական մարմիններին հանձնելու վերաբերյալ առաջարկություն չներկայացվելու դեպքում Հայաստանի Հանրապետության արդարադատության նախարարության դատական ակտերի հարկադիր կատարումն ապահովող ծառայությունը սահմանված կարգով իրացնում է այն: Առաջարկություն ներկայացնելու դեպքում Հայաստանի Հանրապետության արդարադատության նախարարության դատական ակտերի հարկադիր կատարումն ապահովող ծառայությունը 10-օրյա ժամկետում գույքը հանձնում է առաջարկություն ներկայացրած մարմնին կամ այդ մարմնի կողմից նշված այլ պետական մարմիններին: Սույն կետով նախատեսված գույքն այլ պետական մարմիններին հանձնելու մասին Հայաստանի Հանրապետության հարկադիր կատարումն ապահովող ծառայությունը գրավոր տեղեկացնում է Հայաստանի Հանրապետության ֆինանսների նախարարությանը:

(7-րդ կետը լրաց., փոփ. 02.08.18 N 847-Ն)

8. Բռնագրավված, հոգուտ պետության տիրագուրկ ճանաչված, դատավորի կողմից պետությանը հանձնված՝ թույլատրելի չհամարվող նվերը և ժառանգության իրավունքով պետությանն անցած նյութական և դրամական

արժեքների իրացումից ստացված գումարները 3 աշխատանքային օրվա ընթացքում հաշվեգրվում են Հայաստանի Հանրապետության պետական բյուջե:

(8-րդ կետը լրաց. 02.08.18 N 847-Ն)

9. Բռնագրավված, հոգուտ պետության տիրագուրկ ճանաչված, դատավորի կողմից պետությանը հանձնված թույլատրելի չհամարվող նվերը և ժառանգության իրավունքով պետությանն անցած նյութական և դրամական արժեքների իրացման վերաբերյալ Հայաստանի Հանրապետության արդարադատության նախարարության դատական ակտերի հարկադիր կատարումն ապահովող ծառայությունը և Հայաստանի Հանրապետության պետական եկամուտների կոմիտեն յուրաքանչյուր եռամսյակը մեկ անգամ հաշվետվություն է ներկայացնում Հայաստանի Հանրապետության ֆինանսների նախարարություն՝ Հայաստանի Հանրապետության ֆինանսների նախարարի հրամանով հաստատված կարգով:

(9-րդ կետը լրաց. 02.08.18 N 852-Ն, 02.08.18 N 847-Ն)

III. ԲՈՒՆԱԳՐԱՎՎԱԾ, ՀՕԳՈՒՏ ՊԵՏՈՒԹՅԱՆ ՏԻՐԱԶՈՒՐԿ ՃԱՆԱՉՎԱԾ ԵՎ ԺԱՌԱՆԳՈՒԹՅԱՆ ԻՐԱՎՈՒՆՔՈՎ ՊԵՏՈՒԹՅԱՆՆ ԱՆՑԱԾ ԳՈՒՅՔԻ ՈՉՆՉԱՑՄԱՆ ԿԱՐԳԸ

10. Հայաստանի Հանրապետության հարկադիր կատարումն ապահովող ծառայությունը կամ Հայաստանի Հանրապետության պետական եկամուտների կոմիտեն փոխանցված բռնագրավված, դատարանի վճռով հոգուտ պետության տիրագուրկ ճանաչված, դատավորի կողմից պետությանը հանձնված թույլատրելի չհամարվող նվերը և ժառանգության իրավունքով պետությանն անցած այլ գույքը, որը շրջանառությունից հանված է կամ չի իրացվում, կամ հնարավոր չէ այն իրացնել որպես երկրորդական հումք՝ Հայաստանի Հանրապետության տնտեսական զարգացման և ներդրումների նախարարության համաձայնությամբ, ենթակա է ոչնչացման: Ոչնչացման նպատակով Հայաստանի Հանրապետության հարկադիր կատարումն ապահովող ծառայությունում կամ Հայաստանի Հանրապետության պետական եկամուտների կոմիտեում կազմվում է հանձնաժողով, որի կազմում ընդգրկվում է նաև Հայաստանի Հանրապետության ֆինանսների նախարարության մեկ ներկայացուցիչ: Անհրաժեշտության դեպքում հանձնաժողովի կազմում կարող են ընդգրկվել հատուկ գիտելիքներ ունեցող մասնագետներ: Գույքի ոչնչացման մասին հանձնաժողովի կողմից կազմվում է ակտ, որում նշվում են այն իրավական հիմքերը, որի հիման վրա գույքը դարձել է պետության սեփականությունը, գույքի նկարագիրը, տեսակը, քանակը և ոչնչացումից առաջ առկա գույքի ֆիզիկական վիճակը: Գույքը կարող է ոչնչացվել ջարդման, կտրուման, այրման և այլ եղանակներով: Ոչնչացման ակտը կազմվում է երկու օրինակից, որն ստորագրվում է ոչնչացման հանձնաժողովի անդամների կողմից: Ակտի մեկ օրինակը հանձնվում է Հայաստանի Հանրապետության ֆինանսների նախարարությանը, իսկ մյուս օրինակը պահվում է Հայաստանի Հանրապետության հարկադիր կատարումն ապահովող ծառայությունում կամ Հայաստանի Հանրապետության պետական եկամուտների կոմիտեում:

(10-րդ կետը լրաց. 02.08.18 N 852-Ն, լրաց., փոփ. 02.08.18 N 847-Ն)

IV. ԲՈՒՆԱԳՐԱՎՎԱԾ, ՀՕԳՈՒՏ ՊԵՏՈՒԹՅԱՆ ՏԻՐԱԶՈՒՐԿ ՃԱՆԱՉՎԱԾ ԵՎ ԺԱՌԱՆԳՈՒԹՅԱՆ ԻՐԱՎՈՒՆՔՈՎ ՊԵՏՈՒԹՅԱՆՆ ԱՆՑԱԾ ԳՈՒՅՔԻ ԻՐԱՑՄԱՆ ԿԱՄ ՈՉՆՉԱՑՄԱՆ ԺԱՄԱՆԱԿ ԱՌԱՋԱՅՈՂ ԾԱԽՍԵՐԻ ՀԱՏՈՒՑՄԱՆ ԿԱՐԳԸ

11. Բռնագրավված, հոգուտ պետության տիրագուրկ ճանաչված, դատավորի կողմից պետությանը հանձնված թույլատրելի չհամարվող նվերը և ժառանգության իրավունքով պետությանն անցած նյութական և դրամական արժեքների իրացման աշխատանքների կազմակերպման համար իրացումից ստացված հասույթից անհրաժեշտ ծախսերի հատուցումը կատարվում է կատարողական գործողությունների կատարման ծախսերի հատուցման համար՝ Հայաստանի Հանրապետության օրենսդրությամբ սահմանված կարգով և չափով:

(11-րդ կետը լրաց. 02.08.18 N 847-Ն)

12. Բռնագրավված, դատարանի վճռով հոգուտ պետության տիրագուրկ ճանաչված, դատավորի կողմից պետությանը հանձնված թույլատրելի չհամարվող նվերը և ժառանգության իրավունքով պետությանն անցած գույքի ոչնչացման ժամանակ առաջացող ծախսերը կատարվում են Հայաստանի Հանրապետության հարկադիր կատարումն ապահովող ծառայության կամ Հայաստանի Հանրապետության պետական եկամուտների կոմիտեի արտաբյուջետային միջոցների հաշվին: Այդ ծախսերը հետագայում պահվում են բռնագրավված, դատարանի վճռով հոգուտ պետության տիրագուրկ ճանաչված, դատավորի կողմից պետությանը հանձնված թույլատրելի չհամարվող նվերը և ժառանգության իրավունքով պետությանն անցած գույքի իրացման արդյունքում Հայաստանի Հանրապետության պետական բյուջեի համապատասխան հաշվին փոխանցվող գումարներից ըստ ծախսերը հիմնավորող փաստաթղթերի:

(12-րդ կետը լրաց. 02.08.18 N 852-Ն, լրաց., փոփ. 02.08.18 N 847-Ն)

(հավելվածը լրաց., փոփ. 02.08.18 N 852-Ն, 02.08.18 N 847-Ն)

**Հայաստանի Հանրապետության
կառավարության աշխատակազմի
ղեկավար**

Դ. Սարգսյան

